

ԱԶԳԱՅԻՆ ԱԶԱՏԱԳՐԱԿԱՆ ՇԱՐԺՈՒՄՆԵՐԸ 1870—1880-ԱԿԱՆ ԹՎԱԿԱՆՆԵՐԻՆ

1. ԱԶԳԱՅԻՆ ՃՆՇՈՒՄՆԵՐՆ ՈՒ ՀԱԼԱԾԱՆՔՆԵՐԸ ԵՎ ԱԶԱՏԱԳՐԱԿԱՆ ՇԱՐԺՈՒՄՆԵՐԸ 70-ԱԿԱՆ ԹՎԱԿԱՆՆԵՐԻՆ

XIX դարի երկրորդ կեսին, երբ արևելահայությունն իր բախտն արդեն կապել էր Ռուսաստանի հետ, տնտեսական ու մշակութային կյանքի և մանավանդ ֆիզիկական զոյություն համար ստեղծել անհամեմատ ավելի բարենպաստ պայմաններ, հայ ժողովրդի մյուս՝ ստվար հատվածը՝ արևմտահայությունը տակավին գալարվում էր թուրքական հարստահարիչների անազորույն լծի տակ։ Այդ պատճառով էլ իր ազատության ու անկախության համար հայ ժողովրդի մղած պայքարը սուր ծայրով ուղղվեց օսմանյան բռնապետության դեմ։

Ազգային զարթոնքի այդ արշալույսին շեփորվում էր արդեն ղենքի միջոցով ազատություն ձեռք բերելու գաղափարը, որը ծնվել էր թուրք և բուրգ ֆեոդալների սանձարձակ կեղեքումներից արյունաքամ եղած արևմտահայ աշխատավորության մաքառումների բովում։

Հովհ. Թումանյանը մերժելով ժողովրդի ազատագրական պայքարը զբոսից ներմուծված լինելու մասին թյուր կարծիքը, իրավացիորեն գրում էր. «սխալ են բոլոր էն մարդիկ, որոնք կարծում են, թե էս ամենը կարող էին անցնել առանց ծայրահեղ դժգոհության բռնկումի, առանց հեղափոխության։ Այլև սխալ են նրանք, որոնք կարծում են, թե հեղափոխությունը գրեցին երբ՝ ուսահայներն են սկսել Տաճկաստանում»¹։

XIX դարի 70—80-ական թվականներին բորբոքված հայ ազգային ազատագրական շարժումը ֆեոդալական բռնապետությունների դեմ եվրոպական բուրժուազեմոկրատական հեղափոխությունների արձագանքն էր։ Այդ հեղափոխությունները և բալկանյան ժողովուրդների ըմբոստացումը թուրքական բռնատիրության դեմ նպաստեցին նաև արևմտահայության ազգային-ազատագրական շարժման վերելքին։

Հայ ազատագրական շարժման ուղիներում ծնվեցին նախ ժողովրդի լուսավորելու և ազգային ինքնագիտակցության բերելու գաղափարները, իսկ ավելի ուշ՝ արդեն հրապարակ իջան ազատագրական խմբակներն ու կազմակերպությունները, որոնց գործունեությունը հզորանում էր սովթանական մոլեզունդ ռեակցիային դիմադրելու։ Այդ ռեակցիան հատկորեն արտահայտ-

1 Հ. Թումանյան, Երկերի ժողովածու, հ. 4, Երևան, 1953, էջ 317—318։

ված է թուրք պետական զործիչ Քյամիլ փաշայի՝ 1870-ական թվականների վերջերին սուլթան Աբդուլ Համիդին հղած նամակում «...եթե եվրոպիո մասին մեջ մեր ժոցը օձ սևուցինք, պետք չէ, որ նույն հիմարությունն ընենք մեր ասիական Տաճկաստանի մեջ. խելորությունը շնչել վերացնելն է այն ամեն տարրերը, որ օր մը կրնան մեզ նույն վտանգը ծնանիլ...»²։

Ազգային զարթոնքի պայմաններում և դարավոր խոշտանգումների դեմ ըմբոստացած հայ ժողովրդին ոչինչ չէր մնում անել, քան պատրաստվել և զինված ապստամբությամբ թոթափել թուրքական արյունարբու լուծը։ Քանզի ստրկացած ժողովուրդները, ինչպես նշել են Կ. Մարքս և Ֆ. էնգելսը, «Իրենց հարստահարիչների դեմ մղած հերոսական, անընդհատ պայքարով են ապացուցում ազգային անկախության ու ինքնորոշման իրենց պատմական իրավունքը»³։

Օսմանյան բռնապետության դեմ խմորվող հայ ազատագրական շարժումները XIX դարի 60—70-ական թվականներից սկսած դառնում են ոչ միայն արևմտահայերին, այլև արևելահայերին հուզող մի խնդիր։ «Մահմա-նիջ այն կողմ» գտնվող եղբայրների նրանց կենաց և մահու պայքարում օգնելու փափազն անձնազոհ մարտերի էր մղում արևելահայությունը։

Ազգային-ազատագրական բնույթով հանդերձ, հայ ժողովրդի ազատագրական պայքարն ուներ և դասակարգային բովանդակություն, որչափ իր սուր ծայրով ուղղված էր ոչ միայն քաղաքական, այլև սոցիալական տնարդարությունների դեմ։ Այն, ըստ էության, գյուղացիական բուրժուազիաներատական շարժում էր։ Այդ պայքարի գլխավոր ու առաջատար ուժն արևմտահայ գյուղացիությունն էր ու քաղաքի արհեստավոր դասը։ Արևմտյան Հայաստանի ազատագրմամբ, առաջին հերթին, շահագրգռված էր երկակի ճնշման տակ գտնվող հայ աշխատավորությունը, որն ազատագրված հայրենիքից էր ակնկալում իր քաղաքական և սոցիալական փրկությունը։ Ազգային բիրտ հալածանքներից, ինչպես նաև իշխող ազգերի բուրժուազիայի, տեղական մեծատունների, օտար կապիտալի ու նրա սպասարկու հայ կոմպրադորների ճնշումներից նեղված վիճակն ստիպում էր հայ բուրժուազիային և մասնավորապես նրա գավառաբնակ հատվածներին փարել ազգային-ազատագրական շարժմանը։ Ազատագրական պայքարին ակտիվորեն մասնակցում էր հայ ղեմավորատական մտավորականությունը, որը կապված էր ժողովրդի լայն շրջանների հետ։ Մինչդեռ ազգային կնրպարանքից զրեթե զրկված հայ խոշոր բուրժուաներն ու բարձրաստիճան պաշտոնյաները, ընչին բացառությամբ, սուլթանական ու ցարական կարգերի մեջ էին տեսնում իրենց գոյության հենարանը։ Դեմ լինելով ամեն մի ղեմավորատական շարժման, նրանք հիմնականում ընդդիմադիր կանգնեցին նաև ազգային-ազատագրական պայքարին։

Սակայն հայ ազատամարտի ղեկավարները միջազգային անբարենպաստ պայմաններում, պայքարի իրենց ծրագրերը նետելով աչ ու ձախ, մոռացած տնական նախապատրաստման, ուժերի համախմբման մասին, տակավին անփորձ ու անմիաբան, նրանք անհավասար պայքարի մեջ մտան թուրքական

2 «Փորձ», 1879, № 7—8, էջ 204։

3 К. Маркс и Ф. Энгельс, Соч., т. 18, стр. 555.

բունապետության հետ և չկարողացան ժողովրդին դուրս բերել զեպի ազատություն տանող լուսավոր մի ճանապարհ:

Հայ ազատագրական շարժման ալիքը բարձրանում էր առաջին հերթին որպես պատասխան ահավոր այն կեղեքումների, որոնց ենթարկվում էր արևմրտահայ ժողովուրդը: Օսմանյան կայսրության ստրկացված ժողովուրդներից շատերը՝ հույները, հայերը, արաբները, բուլղարները ունեին անհամեմատ շատ ավելի հին ու բարձր կուլտուրա, ապրել էին հասարակական զարգացման առավել բարձր աստիճաններ, քան թուրքերը: Իսլամաֆեոդալական հասարակարգի պայմաններում, հանդես գալով որպես կապիտալիզմի սաղմնավորման ու զարգացման առաջամարտիկներ, այդ ժողովուրդները քաղաքակրթության կրողներ էին Թուրքիայում: Նրանք ստեղծել և մարզկության սեփականությունն էին դարձրել հոգևոր ու նյութական մշակույթի բազմաթիվ բարձրարվեստ հուշարձաններ: Մահմեդական զանգվածները հաղորդակից չէին վերնախավներում տիրապետող խրթին լեզվով գրված միջնադարյան ծանրաշունչ գրականությանը: Կրոնական սխալաստիկ ու հետադեմ գաղափարները թմրեցնում էին ժողովրդին, խափանում կուլտուրական առաջընթացի նրա ճանապարհը:

60-ական թվականներին Թուրքիայում ծայր առավ սահմանադրական անդրանիկ շարժումը, որի գաղափարախոսը 1848 թ. ֆրանսիական հեղափոխության ականատես Իբրահիմ Եինասին էր, որը և դարձավ թուրքական նոր գրականության հիմնադիրը: 1865 թ. նրա համախոհների՝ Մահմեդ Նամըկ Քեմալի, Աբդուլ Համիդ Զիա բեյի, Ալի Սուլայիի ու այլոց ջանքերով ձևավորվեց «Նոր օսմանների ընկերություն» քաղաքական գաղտնի կազմակերպությունը, որը, սակայն, մեկ տարվա կյանք ունեցավ միայն: Նրա հիմնադիրները, սուլթանից հալածված, շուտով ստիպված էին թողնել Բոսֆորի ափերը և ապաստանել իմրոպական մայրաքաղաքներում: Այնտեղ նրանք ստեղծեցին իրենց մամուլը և դարձան պանիսլամիզմի ունակցիոն գաղափարախոսության նախապատրաստողները, ապա և տեսաբաններն ու տարածողները: Մի քանի տարի անց, նրանց մի մասը վերադարձավ Թուրքիա և լայն աշխատանք ծավալեց երկրի ներսում:

«Նոր օսմանների» եռանդուն ջանքերով և անգլիական դիվանագետների օգնությամբ 1876 թ. 4. Պոլսում կատարվեց պալատական հեղաշրջում և թուրքական սուլթանների գահին բազմեց Աբդուլ Համիդ II-ը:

1876 թ. դեկտեմբերի 7-ին «Նոր օսմանների» պարագլուխ Միդհատ փաշան նշանակվեց մեծ վեզիր: Ապա ընդունվեց նաև 119 կետից կազմված և նրա անունը կրող օսմանյան սահմանադրությունը՝ որը, իհարկե, ձևական նշանակություն ուներ միայն: 1878 թ. Միդհատը վտարվեց երկրից:

Միդհատյան սահմանադրությունը զարդարված լինելով ազատության ու հավասարության մասին ճոճապես ֆրազներով, չհասկացվեց Թուրքիայի ազգաբնակչության մեծ մասի, անգամ թուրքազգիայի կողմից: Մահմանադրության մեծ հոխորտացող պանիսլամիզմը, որպես միաձուլյ ազգի ստեղծման ահազանգ, իրենից հեռու վանեց նաև Թուրքիայի օտարազգի բուրժուազիային:

Թուրքիայի ներքին գործերին մեծ տերությունների միջամտությունը կանխելու հետամուտ այդ քայլը ձախողվեց: 1878 թ. փետրվարի 2-ին, Սան-Ստեֆանոյի կոնֆերանսի նախօրեին, արյունոտ սուլթանի ոստիկանները

ցրեցին թուրքական պառլամենտը և համիդյան սահմանադրության հետ կապված բոլոր հույսերն ի դերն ելան։ Սկսվեց Աբդուլ Համիդի միահեծան տիրապետության ժամանակաշրջանը։ «Նոր օսմաններին» հանդես գալը ինչ-որ չափով առաջադիմական երևույթ էր տակավին միջնադարյան խավարում գտնվող Թուրքիայի հասարակական քաղաքական կյանքում։ Սակայն մահմեդական կրոնի պատվիրաններով իրենց ճշմարտացիությունը փաստարկող թուրք գործիչները, սահմանադրական միապետության իրենց ձգտումներով չէին արտահայտում ժողովրդական զանգվածների շահերը և անսրող թշնամանքով էին վերաբերվում նվաճված ու հարստահարվող ժողովուրդների ազգային-ազատագրական շարժումներին։ Նրանք բացահայտորեն հայտարարում էին, որ իրենք մտահոգված են ողջ մահմեդական աշխարհի ճակատագրով։

Դեմոկրատիզմի քղամիդով վարագուրված «նոր օսմաններին» այդ շարժումն առավել մարտական կերպարանք ստացավ 80—90-ական թթ. նախ պանիսլամիզմի և ապա պանթուրքիզմի ձևավորման տարում, և իրեն պսակեց «Միություն և առաջադիմություն» («Իթթիհատ վե թերաքը») երիտթուրքական ազգայնական կուսակցության ստեղծմամբ⁴։

Օսմանյան տիրապետողներն ահով ու զայրույթով էին դիտում հպատակ ժողովուրդների մտավոր վերելքը և փորձում էին արհեստականորեն արգելակել այն։ 4. Պոսում 1868 թ. հիմնադրված Գալաթասարայի (Գալաթիո) դպրոցի (լիցեյ) իրավաբանական բաժնում, որտեղ դասավանդումը կատարվում էր ֆրանսերեն լեզվով, 1875 թ. 52 ուսանողից 45-ը հայեր էին։ Այստեղ հայերի շարունակական մեծամասնություն կազմելը պատճառ դարձավ, որպեսզի 1881 թ. սուլթան Աբդուլ Համիդի հրամանով այն փակվի։ Իսկ բժշկական ուսումնարանին ուղղակի ցուցում էր տրված՝ հայեր չընդունել, որովհետև մինչ այդ բոլոր սովորողները հայեր էին։

Օսմանյան նորեկուկ բուրժուազիան արդեն զգվարությամբ էր հանդուրժում, որ Թուրքիայի քաղաքներում գիտության, տեխնիկայի, արվեստի և արհեստագործության բոլոր քիչ թե շատ լուրջ ընազավառներում ղեկավար դիրքերում հայեր կամ ալլազգի ներկայացուցիչներ էին։ Սակայն, ինչպես հայերին, այնպես էլ կայսրության մեջ ապրող մյուս «անհավատներին» թուրք կառավարողները հանդուրժում էին լուկ այն պատճառով, որ նրանք նպաստում էին երկրի արդյունաբերության ու առևտրի բարգավաճմանը։ Իսկ երբ հետագայում թուրքական նորաստեղծ բուրժուազիան ի վիճակի չէրավ բացահայտ մրցության մեջ հաղթել ալլազգի իր մրցակիցներին, շուրջնց դիմելու նրանց շնչացնելու, ապա և ջարդի արյունոտ մեթոդին։

Քրիստոնյաների ջարդերը դառնում էին պետական քաղաքականություն։ Այդ քաղաքականության հեղինակները բացկիրաց հայտարարում էին, որ թուրքական առաջին սուլթանների կողմից քրիստոնյաների նկատմամբ թույլ տրված սխալի հետևանք է, որ նրանք ղեռ գոյություն ունեն Օսմանյան կայսրության մեջ, և իրենք պետք է ուղղեն այդ սխալը⁵։

⁴ 1889 թ. ձևավորվեց երիտասարդների մի փոքրիկ խմբից կազմված «Օսմանյան միությունը», որն ավելի ուշ՝ 1894 թ. իրեն մկրտեց «Միություն և առաջադիմություն» անունով։ Այդ անվամբ իսկ իր էությունը բացահայտող այս կուսակցությունը պայքարում էր հանդես 1876 թ. սահմանադրության վերահաստատման՝ սուլթանիզմի դեմ և առաջադիմության ճանապարհով։

⁵ Տե՛ս «История XIX века», под ред. Лависа и Рамбо, т. 8, М., 1907, стр. 1—2.

Քուրդ և թուրք կեղեքիչների հետ միասին, անշուշտ, առավել փոքր շահերով, արևմտահայ աշխատավոր ժողովրդին հարստահարում ու կողոպտում էին նաև հայ մեծահարուստն ու վաշխառուն։ Նրանց և հայ աշխատավոր ժողովրդի շահերը չէին համընկնում։

Գավառահայ աշխատավորության սանձարձակ կեղեքումը մղում էր նրան բռնելու պանդխտության, ապա և գաղթի հեռավոր ուղիներ։ Անլուր շահագործումից փրկվելու հույսը կապելով պանդխտության հետ, հայ գյուղացին մեկնում էր կամավոր աքսոր։ Հայ պանդուխտի ու նրա տարաբախտ մտերիմների դառը հեծեծանքներից են հյուսվել «Անտունի» կոչված կարոտի լալահառաչ երգերը։ Արևմտահայ աշխատավորության համատարած պանդխտությունը, հարկավ, չսահմանափակվեց զուտ տնտեսական պատճառներով կատարվող տարագրությամբ, այլ մեկընդմեջ զուգորդվեց ֆիզիկական ոչնչացումից փախչող խոշոր գաղթականությամբ ու հողագնդով մեկ ցրեց հայ հայրենագուրկ ու անհանգրվան աշխատավորին։

Թուրքական կառավարության հալածական այդ բաղաբականությանը զուգընթաց ու նրան դիմադիր բարձրանում, հորդանում էր հայ ժողովրդի տարերային բողոքը, նրան դուրս բերում ազատագրական շարժման ճանապարհ։

Արևմտահայերի հարստահարության հարցը շուտով քննարկման նյութ դարձավ Կ. Պոլսի հայոց Ազգային ժողովում և բողոքագրի ձևով Բ. Դաանը ներկայացվեց 1869 թ. պատրիարք ընտրված Մկրտիչ Խրիմյանի ջանքերով։

Խրիմյանը կապված էր ժողովրդի հետ և հայ ազատագրական շարժման ակտիվ գործիչներից էր։ Նա գտնում էր, որ երբ ազգերը դեռ առանձին-առանձին գոյություն ունեն, մի ազգն իրավունք չպետք է ունենա ճնշելու մյուսին։ Եվ բանի որ հայերի հայրենիքը զավթել են օտարները, այն պետք է ազատագրել⁶։

Մ. Խրիմյանը հայ և քուրդ ժողովուրդների բարեկամության պաշտպան էր և ջանում էր նրանց միջև ստեղծել միություն։ Եվ երբ այդ միության ստեղծումը հնարավոր չեղավ, նա կոչ էր անում զինվել և սեփական կյանքը, պատիվն ու գույքը պաշտպանել քուրդ աղաներից, բայց երբեք չպատերազմել քուրդ աշխատավոր ժողովրդի դեմ, որը նույնպես կրում է իր ազգակից հարստահարիչների ճնշումն ու բռնությունը։ Մ. Խրիմյանը հատուկ ուշադրություն դարձրեց Ազգային սահմանադրության, և դրանով իսկ գավառահայության հանիրավի ոտնահարված իրավունքների վերանայման հարցի վրա։ Նրա պայքարը սահմանադրության վերանայման համար գավառի ընդլիզումն էր Կ. Պոլսի էֆենդիության դեմ։

Հայ ազատագրական ընդլիզումների օրրանն էլ հենց գավառն էր, որտեղ ծնունդ առավ ու ծավալվեց այդ շարժումը։

1872 թ. սկզբներին հայրենասիրական ուժերի ջանքերով Վանում կազմակերպվեց «Միություն ի փրկություն» գաղտնի ընկերությունը, որի նպատակն էր հայ ժողովրդին ազատագրել թուրքական բռնակալության լծից։ Կազմակերպության մարտի 3-ի թվագրված հայտարարության մեջ, որն ստորագրել էր 465 մարդ, նկարագրվում էր Վասպուրականի հայ ազգաբնակչության ծանր վիճակը և կոչ արվում փրկության միջոցներ գտնել, թապա թե

6 Տե՛ս Մ. Խրիմյան, Ամբողջական երկեր, Նյու-Յորք, 1929, էջ 247։

ու կորուստ մերձ է իսպառ...»։ Ըստ որում պահանջվում էր ազատագրման համար պայքարելու իրենց որոշումը՝ Վարդանանց միաբանության ուխտի նման սրբությունը ու հավատարմությունը, պահել մինչև արյան վերջին կաթիլը⁷։

Ապրիլի 26-ին Անգղ գյուղի բնակիչներն առանձին, իսկ Հորոտենց, Խեկ-բեղ, Հնգատան, Նոր գյուղ, Հառեղ գյուղերի բնակիչները՝ միացյալ դիմումներ են գրում «Միությանը»՝ նրան անդամագրվելու ցանկությամբ։ Գ. Սըրվանձտյանցի և այլոց եռանդուն ջանքերի շնորհիվ «Միությունը» ամրապնդվում է։ 1872 թ. մայիսին Թիֆլիս՝ Կովկասի փոխարքայի մոտ պատվիրակ զնացած «Միություն ի փրկության» ներկայացուցիչները՝ Նշան Շիրվանյանը և Հակոբ Կալոյանը փոխարքային ու Երևանի նահանգապետին կազմակերպության անունից ներկայացնում են Վասպուրականի հայությանն օգնելու մասին խնդրագրեր⁸։ Սակայն կազմակերպությունը շուտով ինքնալուծարքի ենթարկվեց։

«Միություն ի փրկության» խմբի Վասպուրականում ծավալած գործունեության շրջանում Մ. Խրիմյանը Կ. Պոլսից խորհուրդ էր տալիս Վանում գտնվող Գ. Սրվանձտյանցին՝ խուսափել անժամանակ ընդվզումներից և բազմակողմանիորեն նախապատրաստվել, որի պայմաններից մեկը համարում էր արևելահայության մեջ հայրենասիրական տրամագրությունների բորբոքումը և նրանց հետ սերտ համագործակցության ստեղծումը։

1870-ական թվականների սկզբներին նորից ըմբոստանում է Զեյթունը։ 1875 թ. զինավառ զեյթունցիները քաղաքից վճռողով գավառապետ Դաուդ Նիսազիին, իրենց անկախ հռչակեցին, ձգտելով վերականգնել ավելի քան մեկ տասնամյակ առաջ կորցրած կիսանկախությունը։ Թուրքական կառավարության և նրա քաղաքականությունն իրականացնող տեղական իշխանությունների հարկային ապօրինություններից ու արյունոտ ոճիրներից վրդովված զեյթունցիները դուրս քշեցին նաև թուրքական մյուս պաշտոնյաներին և 1876 թ. հունիսին հրդեհեցին կառավարական շենքն ու թուրքական մզկիթը⁹։

Հայրենասիրական խմբեր էին կազմակերպվում Կ. Պոլսում, Կարինում և հայաշատ այլ կենտրոններում։ 1874 թ. Կարինում երիտասարդ Խ. Կերեքցյանը կազմակերպում է «Ազատություն» հայրենասիրական միությունը։

Թուրքական իշխանությունները ջանում էին բնում խեղդել ազատագրական շարժման ամենաանշան փորձն անգամ։ Փակվում էին այս կամ այն չափի կասկածանք հարուցող ուսումնական հաստատությունները։

1873 թ. հունվարին Մ. Փորթուզալյանը Եվդոկիայից հեռագրում էր Կ. Պոլիս՝ «Մանղումէի էֆենարի» խմբագիր Կարապետ Փանոսյանին, որ իշխանությունները կամայականորեն փակել են իր տնօրինության տակ գտնվող Վարդուհյան վարժարանը և իրեն բանտ նետել։ «Աստօս սիրույն մեր դպրոցը ու զիս ազատեցեք բռնակալներեն»¹⁰։ Նա շուտով ազատվեց ու 1873 թ. դեկտեմբերին ստանձնեց Կ. Պոլսում հրատարակվող «Ասիա» թերթի խմբագրությունը։ Մ. Փորթուզալյանն արմատապես փոխեց այդ թերթի

7 Տե՛ս «Դիվան Հայոց պատմության», հ. 69, էջ 269—270։

8 Տե՛ս Նույն տեղում, էջ 276—278։

9 Տե՛ս «Զեյթունի պատմագիրք», Բուենոս-Այրես, 1960, էջ 345։

10 «Մանղումէի էֆենար», 1873, № 2083։

ուղղությունը, հետևողականորեն հանդես գալով ինչպես պոլսահայ պահպանողական մամուլի, այնպես էլ «Մասիսի» լիբերալ հայացքների բնադատությանը: «Ասիան» դարձավ երբեմնի իր հակառակորդի՝ «Մեղուի» մարտընկերը:

Սակայն այդ թերթը մի քանի ամսվա կյանք ունեցավ միայն: Այն փակվեց իշխանությունների կողմից և այլևս չվերականգնվեց:

1869—1870 թթ. 4. Պոլսում ձևավորված «Կիլիկիա», ապա «Դպրոցասիրաց-Արևելյան» ընկերություններին 1876 թ. ապրիլի 15-ին ավելացավ Մկրտիչ Փորթուգլյանի, Մինաս Չերազի, Արփիար Արփիարյանի և մի խումբ այլ գործիչների մասնակցությամբ Հայաստանում ձրի ուսում և արհեստ տարածելու նպատակով ստեղծված մի նոր ընկերություն: Սրա նախաձեռնողներն սկզբում մտադիր էին այն կոչել Մ. Նալբանդյանի անունով, կամ «Երկաթագործ եղբայրք», բայց, կասկածների տեղիք չտալու համար կոչեցին «Արարատյան»: Նույն տարվա հունիսին Մ. Փորթուգլյանն ընկերության ատենապետի պարտականությունները թողնելով Մ. Չերազին, կրթական տեսչի պաշտոնով մեկնում է Վան, որտեղ նրա ջանքերով բացվում է «Հայրենասեր» ընկերության առաջին լսարանը: Վանից նա անցնում է Թիֆլիս և «Արարատյան» ընկերության ծրագիրը ներկայացնում Գր. Աթթունուն, Վերջինս նրան խոստանում է ապահովել «Մշակի» և նրա կողմնակիցների նյութական ու բարոյական աջակցությունը: Դրանով երաշխավորվում էր արևմտահայերի և արևելահայերի համագործակցության ամրապնդումը: Հավանաբար Գր. Աթթունու խորհրդով և պատերազմի հետ կապված դժվարությունների պատճառով Մ. Փորթուգլյանը մոտ մեկ ու կես տարի մնում է Թիֆլիսում, աշխատակցում «Մշակին» և նրա օգնությամբ զբաղվում «Արարատյան» ընկերության օգտին հայտարարված հանդանակության կազմակերպմամբ:

1878 թ. Մ. Փորթուգլյանը վերադառնում է Վան ու նույն թվականի հոկտեմբերին հիմնադրում նշանավոր վարժապետանոցը, որը բացվում է 1879 թ. հունվարի 1-ին:

Այդ շրջանում էլ թուրքական ու քրդական հարստահարությունների դեմ պայքարելու, ժողովրդին ինքնապաշտպանության համար բարոյապես նախապատրաստելու և զինելու նպատակով Վանում և այլուր ձևավորվում են զաղտնի նոր կազմակերպություններ:

Միաժամանակ հայ ազատագրական շարժումներին հետամուտ ընկերություններ էին ստեղծվում նաև Արևելյան Հայաստանում: 1869 թ. Ալեքսանդրապոլում, իսկ 1874 թ. Ղարաքիլիսայում հիմնադրվում են «Բարենպաստակ ընկերություն» և «Հայրենիքի սիրո զրասնեակ» կազմակերպությունները, որոնց ղեկավար էին կանգնած ուսուցիչ Արսեն Կրիտյանը, Պետրոս Հայկազունին, Համբարձում Բալասանյանը և ուրիշներ: Միմյանց հետ համագործակցող արևելահայ ազատագրական այս առաջին խմբակների անդամները ծանոթ էին Մ. Նալբանդյանի «Երկաթագործությունը որպես ուղիղ ճանապարհ» աշխատությանը, և հեղինակի մտքերն ու լուսանկարները տարածում էին նրի առասարգության մեջ: Թեև սոցիալական խայտառղետ կազմ ունեցող այդ խմբակների անդամների մեջ քաղաքական-զաղափարական միասնություն չկար, բայց նրանց ընդհանուր նպատակը մեկն էր՝ ազատագրված տեսնել իրենց ժողովրդին: Արսեն Կրիտյանի կողմից «Բարենպաստակ ընկերության»

հիմնադրման շրջանում գրված մի կոչում հայ ժողովրդին ազատության համար պայքարի ճանապարհ էր մատնացույց արվում, ազգն արյամբ փրկելու պատգամ տրվում նրան¹¹։

Ժանյարմական վարչության կողմից 1875 թ. հայտնաբերված ու ջախջախված այս ընկերությունների գործունեությունն ուղղված էր սուլթանական ու ցարական բռնակալությունների դեմ։ Այդ նույն շրջանում հակապետական գործունեության մեջ էր մեղադրվում նաև այբբանդրապուլցի Ալեքսանդր Հովակիմյանը, որը հայրենասիրական բանաստեղծություններ էր արտասանում և տարածում, «հանցավոր» գրույցներ կազմակերպում համաքաղաքացիների շրջանում¹²։

1876 թ. Գր. Արծրունին կոչ էր անում արևմտահայերին, բալկանյան ժողովուրդների օրինակով, ապստամբել թուրքական լծի դեմ¹³։

Հանգելով ապստամբելու և Ռուսաստանի օգնությամբ ազատագրվելու զաղափարին Արծրունին գտնում էր, որ դրանով հայ ժողովուրդը կփրկվի ֆիզիկական ոչնչացումից։

Արևմտահայերն իրենք էլ հանգես էին գալիս թուրքական տիրապետությունից ազատագրվելու ծրագրերով և կաթողիկոսին հղած խնդրագրերում հորդորում նրան զբաղվել իրենց վիճակի բարելավման հարցով։ Կ. Պոլսից չորս հազար անձանց ստորագրությամբ ուղարկված այդ նամակներից մեկում նրանք հուսաբեկ գրում էին, որ հակառակ զեպքում ստիպված կլինեն պետության անտանելի լուծը թոթափել «...հեղամբ արյամբ մերոյ»¹⁴։

2. ԱԶԳԱՅԻՆ-ԱԶԱՏԱԳՐԱԿԱՆ ՇԱՐԺՈՒՄՆԵՐԻ ՎԵՐԵԼՔԸ 1877—1878 թթ. ՌՈՒՍ-ԹՈՒՐԿԱԿԱՆ ՊԱՏԵՐԱԶՄԻՆ ԶԵՏՈ

1877—1878 թթ. ռուս-թուրքական պատերազմը և Հայկական հարցի արծարծումը Սան-Ստեֆանոյի ու Բեռլինի պայմանագրերում չափազանց կարևոր նշանակություն ունեցան արևմտահայ ազգային-ազատագրական շարժման համար։ Հայ ժողովրդի արևմտյան հատվածի թուրքական բռնակալական լծից ազատագրման հույսն առավել ցայտուն կերպարանք ստացավ և մղեց նրան իր փրկության համար սեփական ուժերով պայքարելու ուղի։ Գարեդին Սրվանձադյանցն այդ օրերին գրում էր. «Ստաբնն պետք չէ բան հուսալ, ջանանք մենք զմեզ հոգալ, պատրաստվիլ ու ցույց տալ ազգաց, թե մենք ալ ազգ մի ենք...»¹⁵։ Ժողովուրդը արձագանքում էր ազատագրական պայքարի կոչին։ Պանդուխտները Կ. Պոլսից և այլ վայրերից վերադառնալով, իրենց հետ, հարազատներին որպես նվեր, զենք էին տանում միայն¹⁶։

Առաջին ըմբոստացողները եղան զեյթունցիները։ Տակավին 1877—1878 թթ. ռուս-թուրքական պատերազմի օրերին ապստամբ լեռնականներն արդեն կազմել էին Զեյթունն ազատագրելու իրն կետից կազմված մի ծրագիր։ Այն կենսագործելու համար նրանց պատվիրակությունը մեկնեց Կարին

11 Տե՛ս Վ. Ա. Պարսամյան, Հայ ժողովրդի պատմություն, հ. 3, Երևան, 1967, էջ 312—313։

12 ՍՍՄ ԿԳՊԱ, ֆ. 1405, ց. 521, գ. 396, թ. 82—86։

13 Տե՛ս «Մշակ», 1878, № 28։

14 Մաշտոցի անվան Մատենադարան, Կաթողիկոսական գիվան, թ. 228, վավ. 23։

15 «Մասիս», 1879, № 2224։

16 Տե՛ս Հ. Խլկյան, Առաջին կայծերը, 1930, էջ 83։